

Na osnovu člana 16. Zakona o upravi („Službeni glasnik BiH“, broj: 32/02, 102/09 i 72/17), člana 48. alineja 2) Okvirnog zakona o visokom obrazovanju u Bosni i Hercegovini („Službeni glasnik BiH“, br. 59/07 i 59/09), člana 7. tč. a) i člana 12. tačka b) Statuta Agencije za razvoj visokog obrazovanja i osiguranje kvaliteta Bosne i Hercegovine („Službeni glasnik BiH“, broj: 86/09), direktor Agencije za razvoj visokog obrazovanja i osiguranje kvaliteta Bosne i Hercegovine, uz saglasnost Upravnog odbora Agencije sa -----sjednice, održane 2022. godine, donosi

**ODLUKU O KRITERIJIMA ZA IZBOR DOMAĆIH I
MEĐUNARODNIH STRUČNJAKA KOJI DAJU OCJENU I
OBAVLJAJU REVIZIJU KVALITETA I DAJU PREPORUKE O
AKREDITACIJI VISOKOŠKOLSKIH USTANOVA I STUDIJSKIH
PROGRAMA**

**Član 1.
(Predmet)**

Ovom odlukom utvrđuju se kriteriji za izbor domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova i studijskih programa u Bosni i Hercegovini (u daljem tekstu: stručnjaci), način njihovog izbora putem javnog konkursa i način objavljivanja konkursa, odabir stručnjaka u posebnim slučajevima, sadržaj liste stručnjaka, obaveze stručnjaka, način ažuriranja liste stručnjaka i prestanak statusa stručnjaka.

**Član 2.
(Kategorije stručnjaka)**

Stručnjaci u smislu ove odluke su:

- a) stručnjaci - predstavnici akademske zajednice u BiH;
- b) stručnjaci - predstavnici privrede i prakse;
- c) međunarodni stručnjaci;
- d) stručnjaci-studenti.

**Član 3.
(Kriteriji za odabir stručnjaka – predstavnika akademske zajednice u BiH)**

Kriteriji za odabir stručnjaka - predstavnika akademske zajednice u BiH su:

- a) izbor u naučno-nastavno zvanje u relevantnoj naučnoj/umjetničkoj oblasti, koje je dodjelila akreditirana visokoškolska ustanova u vrijeme dok je bila bezuslovno akreditovana.
- b) iskustvo u nastavo-naučnom i istraživačkom radu, kao i osiguranju akademskih standarda o kvalitetu u pružanju obrazovnih usluga,
- c) iskustvo u reformi visokog obrazovanja,
- d) iskustvo u ocjeni uspjeha studenata na akreditiranim visokoškolskim ustanovama,
- e) znanje engleskog jezika,

- f) znanje rada na računaru (MS office paket, MS outlook, internet).
- g) mlađi od 65 godina.

Član 4.

(Kriteriji za odabir stručnjaka – predstavnika privrede i prakse)

Kriteriji za odabir stručnjaka – predstavnika privrede i prakse:

- a) minimalno visoka stručna sprema,
- b) najmanje sedam godina radnog iskustva, od kojih su najmanje dvije na rukovodećoj poziciji) u djelatnosti koja pripada ili je srodna određenoj naučnoj, odnosno umjetničkoj oblasti za koju se prijavljuje,
- c) određeno iskustvo u povezivanju tržišta rada i obrazovanja, odnosno obezbjeđivanja uslova za praksu studenata,
- d) znanje engleskog jezika,
- e) znanje rada na računaru (MS office paket, MS outlook, internet),
- f) mlađi od 65 godina.

Član 5.

(Kriteriji za odabir međunarodnih stručnjaka)

- (1) Međunarodni stručnjaci se prijavljuju na javni konkurs kao međunarodni stručnjaci predstavnici akademske zajednice ili međunarodni stručnjaci predstavnici privrede i prakse.
- (2) Kriteriji za odabir međunarodnih stručnjaka predstavnika akademske zajednice su:
 - a) izbor u naučno-nastavno zvanje u relevantnoj naučnoj/ umjetničkoj oblasti, koje je dodjela akreditovana visokoškolska ustanova,
 - b) iskustvo u nastavno-naučnom i istraživačkom radu, kao i osiguranju akademskih standarda o kvalitetu u pružanju obrazovnih usluga,
 - c) iskustvo u reformi visokog obrazovanja,
 - d) iskustvo u ocjeni uspjeha studenata na visokoškolskim ustanovama koje su akreditovane prema propisima države u kojoj je sjedište visokoškolske ustanove,
 - e) iskustvo u vršenju revizije kvaliteta visokoškolske ustanove i/ili studijskih programa,
 - f) znanje engleskog jezika,
 - g) znanje rada na računaru (MS office paket, MS outlook, internet),
 - g) mlađi od 65 godina

(3) Kriteriji za odabir međunarodnih stručnjaka predstavnika privrede i prakse:

- a) minimalno visoka stručna sprema,
- b) najmanje pet godina radnog iskustva u djelatnosti koja pripada ili je srodna određenoj naučnoj, odnosno umjetničkoj oblasti za koju se prijavljuje,
- c) određeno iskustvo u povezivanju tržišta rada i obrazovanja, odnosno obezbjeđivanja uslova za praksu studenata,
- d) znanje engleskog jezika,
- e) znanje rada na računaru (MS office paket, MS outlook, internet),
- f) mlađi od 65 godina.

Član 6.
(Kriteriji za odabir stručnjaka – studenata)

(1) Kriteriji za odabir stručnjaka iz kategorije studenata su:

- a) student I, II ili III ciklusa studija na akreditovanoj visokoškolskoj ustanovi,
- b) minimalni prosjek ocjena 8 ili 3,5,
- c) iskustvo u reformi visokog obrazovanja,
- d) znanje engleskog jezika,
- e) znanje rada na računaru (MS office paket, MS outlook, internet).

Član 7.
(Način izbora)

- (1) Izbor Stručnjaka vrši se putem javnog konkursa.
- (2) Odluku o raspisivanju javnog konkursa za izbor stručnjaka donosi direktor Agencije.
- (3) Javni konkurs za izbor stručnjaka raspisuje se u pravilu svake godine.
- (4) Javni konkurs se raspisuje po naučnim /umjetničkim oblastima.
- (5) U slučaju kada Agencija utvrdi da na listi stručnjaka iz određene kategorije stručnjaka, određene naučne ili umjetničke oblasti, postoji nedovoljan broj stručnjaka, provest će proceduru javnog konkursa samo za tu kategoriju stručnjaka, odnosno izbor stručnjaka za određenu naučnu/umjetničku oblast.

Član 8.
(Objavljivanje javnog konkursa)

- (1) Javni konkurs se objavljuje na web stranici Agencije, a obavještenje o raspisivanju javnog konkursa se objavljuje u trima visokotiražnim dnevnim novinama čija se distribucija vrši na cijeloj teritoriji Bosne i Hercegovine.
- (2) Prijavljivanje na javni konkurs vrši se dostavljanjem popunjenog obrasca prijave koji je dostupan na web stranici Agencije.
- (3) Rok za prijavu kandidata na javni konkurs je 60 dana od dana objavljivanja obavještenja o raspisivanju javnog konkursa u dnevnim novinama, a ukoliko obavještenje o raspisivanju javnog konkursa nije objavljeno isti dan u trima visokotiražnim novinama, rok se računa od dana objavljivanja obavještenje u dnevnim novinama koje su posljednje objavile obavještenje.

Član 9.
(Izbor stručnjaka u izuzetnim slučajevima)

- (1) U izuzetnim slučajevima, kada se u toku sprovođenja procedure javnog konkursa utvrdi da nije bilo prijavljenih kandidata za određenu naučnu ili umjetničku oblast, odnosno ako na važećoj Listi stručnjaka nema izabranog domaćeg ili međunarodnog stručnjaka iz određene naučne/umjetničke oblasti, Agencija može na osnovu poziva i u saradnji sa Agencijama iz inostranstva imenovati stručnjaka za postupak vanjskog osiguranja kvaliteta.
- (2) Stručnjak imenovan na način iz stava (1) ovog člana za vrijeme rada u Komisiji ima ravnopravan status sa stručnjacima koji se nalaze na Listi stručnjaka.

Član 10.
(Sadržaj Liste stručnjaka)

- (1) Lista stručnjaka u zavisnosti od kategorije stručnjaka sadrži podatke za:
 - a) predstavnike akademske zajednice: ime i prezime, izbor u zvanje za užu naučnu/umjetničku oblast, naziv visokoškolske ustanove u kojoj je zaposlen ili je angažovan po drugom osnovu u nastavno-naučnom procesu, iskustvo u obukama i učešću u komisijama za akreditaciju u Bosni i Hercegovini,
 - b) predstavnike privrede i prakse: ime i prezime, stečena kvalifikacija, naziv institucije u kojoj je zaposlen ili je bio zaposlen, radno iskustvo, iskustvo u obukama i učešću u komisijama za akreditaciju,
 - c) predstavnike studenata: ime i prezime, ciklus studija, naziv visokoškolske ustanove, naziv studijskog programa, iskustvo u obukama i učešću u komisijama za akreditaciju,
 - d) međunarodne stručnjake predstavnike akademske zajednice: ime i prezime, država, izbor u zvanje za užu naučnu/umjetničku oblast, naziv visokoškolske ustanove u kojoj je zaposlen ili je angažovan po drugom osnovu u nastavno-naučnom procesu, iskustvo u obukama i učešću u komisijama za akreditaciju visokoškolskih ustanova u Bosni i Hercegovini, a za međunarodne stručnjake privrede i prakse: ime i prezime, država, naziv institucije gdje je zaposlen ili je bio zaposlen, ili je radno angažovan po drugom osnovu, iskustvo u obukama i učešću u komisijama za akreditaciju u Bosni i Hercegovini.
- (2) Listu stručnjaka iz stava (1) vodi Agencija u papirnoj i elektronskoj formi uz poštivanje odredbi Zakona o zaštiti ličnih podataka.

Član 11.
(Važenje Liste stručnjaka)

Sve do okončanja konkursne procedure i usvajanja Liste od strane nadležnih obrazovnih organa u BiH i nadležnog odjela Brčko Distrikta BiH, ranije utvrđena Lista stručnjaka ostaje važeća.

Član 12.
(Obaveze stručnjaka)

- (1) Stručnjaci su obavezni obavještavati Agenciju o svim promjenama podataka koje su dostavili Agenciji prilikom učešća na konkursu, a koji se odnose na:
 - a) napredak u karijeri/izbor u više akademsko zvanje,
 - b) prelazak na drugu visokoškolsku ustanovu,
 - c) promjenu poslodavca,
 - d) novo iskustvo u eksternoj evaluaciji u inostranstvu,
 - e) stručnjaci iz kategorije studenti, početkom školske godine dokaz o kontinuiranom studiju ili dokaz o prestanku statusa studenta,
 - f) promjenu ličnog imena ili prezimena, adrese i sl.
 - g) odlazak u penziju.
- (2) Obavještavanje Agencije o promjeni podataka iz stava (1), vrši se u roku od 15 dana od dana nastale promjene, pisanim putem ili elektronski, uz dostavljanje odgovarajućih dokaza.
- (3) Stručnjaci su obavezni da prisustvuju svim vidovima edukacije koje će organizovati Agencija, samostalno ili u saradnji sa nadležnim obrazovnim vlastima.

Član 13.
(Način ažuriranja Liste stručnjaka)

- (1) Agencija vrši ažuriranje Liste stručnjaka svakih šest mjeseci, a po potrebi i češće.
- (2) Ažuriranje Liste stručnjaka Agencija vrši po službenoj dužnosti, na način da u cilju utvrđivanja eventualne promjene podataka koji su određeni u članu 12. stav (1) ove odluke, kontaktira stručnjake putem e-maila ili telefona.
- (3) Ukoliko stručnjaci obavijeste Agenciju o promjeni podataka ili Agencija dođe do saznanja da je došlo do promjene određenih podataka koji čine sadržaj Liste stručnjaka, Agencija će izvršiti izmjenu, ispravku ili dopunu podataka ili ukoliko postoje razlozi za prestanak statusa stručnjaka, izvršiće brisanje stručnjaka sa Liste stručnjaka.

Član 14.
(Prestanak statusa stručnjaka)

- (1) Status stručnjaka koji se nalazi na Listi stručnjaka prestaje:
 - a) na njegov lični zahtjev;
 - b) prestankom statusa studenta odnosno završetkom ciklusa studija u kojem se prijavio na konkurs; s tim da student stručnjak imenovan kao član Komisije koja je već obavila posjetu visokoškolskoj ustanovi koja je u postupku akreditacije, bez obzira na završetak ciklusa studija, odnosno prestanak statusa studenta, ima obavezu da potpiše izvještaj Komisije u kojoj je imenovan kao član Komisije,
 - c) neopravdanim odbijanjem učešća u komisiji stručnjaka,
 - d) ukoliko se utvrdi da je tokom procesa akreditacije stručnjak postupio na način koji narušava kvalitet procesa i ugled stručnjaka, dostavljeni lažni podaci u prijavnom obrascu, vrijeđa uposlenike Agencije i Agenciju kao instituciju i druge učesnike u postupku

- e) ukoliko ne ispoštuje zahtjeve Agencije za dopunama i pojašnjenjima izvještaja o eksternoj evaluaciji visokoškolske ustanove, odnosno studijskog programa, u pogledu strukture i sadržaja koji odražava date ocjene ispunjenosti kriterija u skladu sa Metodologijom pisanja izvještaja komisije stručnjaka za akreditaciju,
 - f) ukoliko protiv njega bude pokrenut postupak nadležnog tijela u vezi sa radom u Komisiji stručnjaka;
 - g) neopravdanim izostankom dva puta uzastopno sa obuke stručnjaka koje organizuje Agencija u saradnji sa nadležnim obrazovnim organima;
 - h) neobavještanjem Agencije o promjenama podataka iz člana 12. stav (1) u roku od 15 dana.
 - i) odlaskom stručnjaka u penziju, odnosno kada stručnjak navršši 65 godina života
 - j) smrću stručnjaka,
 - k) donošenjem odluke nadležnog organa o narušavanju akademskog integriteta (npr. da je izvršio koruptivno-kriminalne radnje, seksualno napastovanje, zloupotrebu položaja, plagiranje knjiga i radova).
- (2) Agencija na osnovu pribavljenih podataka o razlozima prestanka statusa stručnjaka ili na lični zahtjev stručnjaka, briše stručnjaka sa liste.

Član 15.
(Stupanje na snagu)

- (1) Ova odluka stupa na snagu danom donošenja i objavljuje se u Službenom glasniku Bosne i Hercegovine.
- (2) Stupanjem na snagu ove odluke, prestaje da važi Odluka o kriterijima za izbor domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova i studijskih programa („Službeni glasnik BiH“, br.2/18 i 6/19).

Broj:
Datum:

D I R E K T O R
Prof. dr Enes Hašić



Agencija za razvoj visokog obrazovanja i osiguranje kvaliteta Bosne i Hercegovine

**JAVNI KONKURS ZA IZBOR DOMAĆIH I MEĐUNARODNIH STRUČNJAKA
KOJI DAJU OCJENU I OBAVLJAJU REVIZIJU KVALITETA I DAJU
PREPORUKE O AKREDITACIJI VISOKOŠKOLSKIH USTANOVA I STUDIJSKIH
PROGRAMA**
Prijavni obrazac

1. Lični podaci kandidata

Ime (ime jednog roditelja) i prezime	
Godina, mjesto i država rođenja	
CV *	<input type="text" value="priložiti file"/>
Državljanstvo	

* priložiti potpisan CV u Word ili PDF formatu

2. Naziv kategorije stručnjaka i naučne/umjetničke oblasti za koju se kandidat prijavljuje
(Označiti znakom X jednu od kategorija i jednu naučnu/umjetničku oblast)

KATEGORIJE STRUČNJAKA	
	Stručnjaci – predstavnici akademske zajednice u Bosni i Hercegovini
	Stručnjaci – predstavnici privrede i prakse
	Međunarodni stručnjaci – predstavnici akademske zajednice
	Međunarodni stručnjaci – predstavnici privrede i prakse
	Studenti
NAUČNA/UMJETNIČKA OBLAST	
	Prirodne nauke
	Tehničke nauke
	Biomedicina i zdravstvo
	Biotehničke nauke
	Društvene nauke
	Humanističke nauke (uključujući sve oblasti umjetnosti)

3. Kontakt informacije kandidata

(Obavezno popuniti broj telefona/mobitela, e-mail adresu i adresu).

Mobitel/ Telefon/ Fax/	
e-mail	
Adresa	

4. Podaci o visokom obrazovanju

(Studenti ne popunjavaju kolonu 2., a u kolonu 5. upisuju godinu studija)

1. Godina početka studija	2. Godina završetka studija	3. Naziv visokoškolske ustanove	4. Naziv studijskog programa (fakulteta)	5. Stručni ili naučni akademski stepen (diploma)

5. Uspjeh u dosadašnjem studiju

(Popunjavaju samo kandidati koji se prijavljuju u kategoriju studenti)

Ciklus studija	Godina studija	Prosjek ocjena u dosadašnjem studiju

6. Izbor u naučno-nastavno i umjetničko-nastavno zvanje

(Popunjavaju kandidati koji se prijavljuju za kategoriju stručnjaci-predstavnici akademske zajednice u BiH i međunarodni stručnjaci – predstavnici akademske zajednice)

1. Naučno- nastavno/ umjetničko- nastavno zvanje	2. Godina izbora u zvanje	3. Visokoškolska ustanova na kojoj je stečeno zvanje	4. Naučna/umjetnička oblast izbora u zvanje	5. Predmet(i) angažmana u nastavno naučnm i istraživačkom radu	6. Link do rublike Nastavno osoblje na web stranici visokoškolske ustanove kojim se dokazuje aktualno akademsko zvanje
Viši asistent					
Docent					
Vanredni profesor					
Redovni profesor					

7. Radno iskustvo

(Počev od sadašnjeg ili posljednjeg radnog mjesta, navedite svako radno mjesto na kojem ste radili/bili profesionalno angažovani u djelatnosti koja pripada ili je srodna naučnoj/umjetničkoj oblasti za koju se prijavljujete. – **Popunjavaju predstavnici akademske zajednice u BiH; predstavnici privrede i prakse i međunarodni stručnjaci - predstavnici akademske zajednice i predstavnici privrede i prakse, kao i studenti koji eventualno rade i studiraju**)

<i>Naziv i adresa poslodavca</i>	<i>Od (dan, mjesec i godina)</i>	<i>Do (dan, mjesec i godina)</i>	<i>Naziv radnog mjesta i opis radnih zadataka</i>
Rukovodno radno iskustvo			
<i>Naziv i adresa poslodavca</i>	<i>Od (dan, mjesec i godina)</i>	<i>Do (dan, mjesec i godina)</i>	<i>Naziv radnog mjesta i opis radnih zadataka</i>
Iskustvo u povezivanju tržišta rada i obrazovanja, odnosno obezbjeđivanja uslova za praksu studenata (opisati ukratko traženo iskustvo, referisati se na određeni projekat, trajanje projekta, navesti konekciju poslodavca sa realizacijom studentske prakse)			

8. Znanje engleskog jezika

(Označite znakom X odgovarajuće polje)

	Vrlo dobro	Dobro	Slabo
Govor			
Čitanje			
Pisanje			
Slušanje			

Vrlo dobro: tečno korištenje jezika, gdje se od stručnjaka očekuje da u postupcima akreditacije samostalno koristi jezik, obavlja različitu pismenu korespondenciju (komunikacija, izvještaji, radni papiri, itd.), da aktivno učestvuje na sastancima i diskusijama u vezi akreditacije.

Dobro: dobro poznavanje jezika, gdje se od stručnjaka očekuje da prati diskusije vezane za akreditaciju, odnosno da prati sastanke pri čemu smatra odgovarajućim da djeluje na maternjem jeziku, učestvuje u jednostavnijim komunikacijama, komuniciranje putem telefona, da čita i razumije tekstove vezane za akreditaciju i da piše jednostavnije tekstove.

Slabo: slabo ili površno označavanje jezika, gdje stručnjak razumije i čita jednostavnije tekstove.

9. Znanje rada na računaru

(Označite znakom X odgovarajuće polje ili navedite dodatne alate i znanja kojima se služite)

Office paket		Internet i e-mail		Ostali alati i znanja	
Word		Internet explorer			
Excel		Outlook			
Powerpoint		Outlook Express			
Ostalo		Ostalo			

10. Iskustvo u osiguranju kvaliteta u visokom obrazovanju

(Navedi iskustvo u oblicima osiguranja kvaliteta u visokom obrazovanju; instirucionalno ili u QA projektima)

1. Godina	2. Institucija	3. Opis aktivnosti

11. Iskustvo u reformama visokog obrazovanja

(Navedite tri projekata u oblasti reforme visokog obrazovanja u kojima ste učestvovali u zadnjih pet godina)

1. Naziv projekta	2. Vrijeme provođenja projekta	3. Uloga u projektu

12. Sukob interesa

(Navedite visokoškolske ustanove u BiH na kojima ste Vi ili uži član Vaše porodice (supružnik, roditelji i djeca) imali angažman po bilo kojem osnovu u prethodne tri godine, što uključuje izvođenjenastave, učestvovanje u zajedničkim naučno-istraživačkim i drugim projektima, te obavljanje bilo koje naplatne djelatnosti za tu visokoškolsku ustanovu)

Naziv visokoškolske ustanove	Oblik angažmana (navesti i godinu početka i prestanka ugovora o angažmanu)	Lično ili uži član porodice (navesti koji)

Izjava o tačnosti podataka *

<table border="1"><tr><td>priložiti file</td></tr></table>	priložiti file
priložiti file	

* priložiti file potpisanu izjavu u Word ili pdf formatu

Napomena za kandidate:

Prijavni obrazac služi za dobijanje informacija o kandidatima i rad Komisije za izbor stručnjaka u smislu odabira kandidata.

(mjesto i datum)

(ime i prezime kandidata)

Prilog: Izjava

Izjava:

- Izjavljujem pod punom moralnom, materijalnom i krivičnom odgovornosti da su podaci navedeni u ovom prijavnom obrascu istiniti;
- da sam upoznat sa Obavezama stručnjaka iz Odluke o kriterijima za izbor domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova i studijskih programa koje proizlaze za stručnjake njihovim uvrštavanjem na listu stručnjaka koju utvrđuje Agencija i da ću postupati u skladu sa istima
- da ću prihvatiti angažman da kao stručnjak budem angažovan u procesu akreditacije svake visokoškolske ustanove za koju budem nominovan,; odgovoriti na zahtjeve zahtjeve Agencije za dopunama i pojašnjenjima izvještaja o eksternoj evaluaciji visokoškolske ustanove, odnosno studijskog programa, u pogledu strukture i sadržaja koji odražava date ocjene ispunjenosti kriterija u skladu sa Metodologijom pisanja izvještaja komisije stručnjaka za akreditaciju,
- obavjestiti Agenciju uz za svaku oblik pritiska, ponude ili iznude od bilo koje učesnika u postupku akreditacije visokoškolske ustanove ili studijskog programa
- da nakon obavljene akreditacije neću prihvatiti angažman na visokoškolskoj ustanovi u čijoj sam akreditaciji učestvovao/la ni po jednom osnovu (izvođenje nastave, učestvovanje u zajedničkim naučno-istraživačkim i drugim projektima, te obavljanje bilo koje naplatne djelatnosti za tu visokoškolsku ustanovu) najmanje dvije godine nakon izdavanja Rješenja o akreditaciji te ustanove ili studijskog program koji se na njoj izvodi.
- Da nisam ranije bio obrisan sa Liste stručnjaka ni po jednom osnovu.

(mjesto i datum)

(Potpis kandidata)